

MUSEGA

Martina Iori à sonà al Quirinale

*L'à tout pèrt al concert de la Festa de la Republica
col l'Orchestra Giovanile Italiana de Fiesole*

Gran emozion e onor per la jona Martina Iori da Dèlba che en sabeda prum de jugn l'à sonà co l'Orchestra Giovanile Italiana de Fiesole al Quirinale per l'tradizionèl concert de la Festa de la Republica Talièna.

L'concert l'è stat fat te la maraveusa sala dita "dei Corazzieri" e l'è stat moscià dal vif su la RAI.

La jona fascèna à sonà dedant a la maor autoritèdes del Stat, anter

chestes, l'President de la Republica Sergio Mattarella e i doi prumes ministres Matteo Salvini e Luigi Di Maio.

L'Orchestra Giovanile Italiana la è stata metuda sù del 1984 da Piero Farulli. Martina Iori, laureèda al Conservatorie de Busan, te chest bel grop de jogn e bravi musizisc la sona la vidola. AV



Martina Iori, a man dreta, vindò l'president de la Republica Mattarella.